



Republic of Namibia

MINISTRY OF EDUCATION, ARTS AND CULTURE

NAMIBIA SENIOR SECONDARY CERTIFICATE (NSSC)

RUMANYO FIRST LANGUAGE SYLLABUS

ORDINARY LEVEL

SYLLABUS CODE: 6103

GRADES 10 - 11

**FOR IMPLEMENTATION IN 2019
FOR FIRST EXAMINATION IN 2020**

Ministry of Education, Arts and Culture
National Institute for Educational Development (NIED)
Private Bag 2034
Okahandja
Namibia

© Copyright NIED, Ministry of Education, Arts and Culture, 2018
Rumanyo First Language Syllabus Ordinary Level Grades 10 - 11

ISBN: 978-99916-66-81-5

Printed by NIED

Publication date: 2018

MUYARO WAMAUKALIMO

1.	LITWAROMO.....	1
2.	KONDA	2
3.	VITAMBO	2
4.	MAPUKURURO-WEDERERO.....	3
5.	UKALIMOSHONGWA	4
5.1	KUGHAMBA NAKUTEGHERERA	4
5.2	KUVARURA NAKUTJANGA	8
6.	MULYOWANEKO	15
6.1	VITAMBO VYAMULYOWANEKO (VM)	15
6.2	MAKUTANDAKANO GHAPAKATJI KAVITAMBO VYAMULYOWANEKO NAMARUHA	17
6.3	LISHINGONONONO LYAMAPUROPEPA.....	18
6.5	MASHINGONONONTAMBOTUNDWAMO	24
	SHIWEDERERA A: SHIKOLIKITO SHANAVANTJE —LIKAMO (LIPUROPEPA 1).....	27
	SHIWEDERERA B: SHIKOLIKITO SHANAVANTJE – SHIRUGHANA SHALITJANGOVYULIKIRO (LIPUROPEPA 1)	27
	SHIWEDERERA C: SHIKOLIKITO SHAVIRUGHANA VYALITJANGOYENDERERO (LIPUROPEPA 2).....	30
	SHIWEDERERA D: KUKOREKA LITEDOLIMBURURO KUSHITJANGWA (Lipuropepa 3).....	32
	SHIWEDERERA E: MANANGWIRO GHAVYAMARUHA GHAVIRUGHANA VYAPASHURE (LIPUROPEPA 4 NA 5).....	33

1. LITWAROMO

Ndjenditoshongo daNamibia Senior Secondary Certificate (NSSC) ne kwa di tulitira po mukukara makushongo ghamwaka mbiri muruku rwakuwana ndjapo yamakushongo ghaSekondere yapaMuvhu. Ndjenditoshongo dino dado kwatikilira mo mukukwama vihepwa vya *National Curriculum for Basic Education in Namibia* ntani nka kwa di pulitira *National Examination, Assessment and Certification Board (NEACB)*. NSSC Ordinary naAdvanced Subsidiary Levels kwa kara navitambo vyakukufana kumwe nka navitambo vyamulyowaneko ene ngoli makonakono gha NSSC Advanced Subsidiary Level ghagho udito ngudu. Udito waunene kughuwana muukalimo-konakono, muudito wavivarurwa murupe naudito wavirughanatjango, muudami wakukuronga ngambodami (literature) ntani namuvihepwa vyamulyowaneko. Ndjenditoshongo yaNavantje ne kunegheda tupu ashi weni omo di fana ndjenditoshongo nadintje da NSSC Ordinary Level liraka lyakutanga mposhi va di rughanite munkondashongero.

Manangwiro ghaNdjenditoshongo yaNavantje oyo ya hameno kumakushongo ghapantambo yakuyeruka (Ntambondunge 10 na 11) kumwe nka namakushongo ghavashongwa vakukushongera panaumwavo, ruha rwamakushongo ghakukarera po ogho gha dimbururo ashi vashongwa kwakushuva-shuva ntani nka ghagho kwa nengukira kumakushongo ghapamushongwa.

Ntambotundwamo yaNdjenditoshongo ya NSSCO Rumanyo ne kwa yi shingononona pantambo 8 kutundilira A* dogoro G ntani na ntambotundwamo yau 9 “U” oyo ya tanto ashi “Ungraded”. A* ndjo ntambotundwamo yayinene ya ka huro ko ntani G ndjo yakuntjiintji. Ungraded kunegheda ashi mukandidate kapi a tompora a tike nampiri pa G oyo ya karero kuntjiintji.

Manangwiro ghandjenditoshongo yaNavantje kwa gha tambitira mu:

- kudimburura ashi mukukushonga kwa horama mo likuliko vinamulyo namaukaro kumwe nka naukonentu ntani namanongontjo;
- kunkondopeka likuyivo-umwoye nalikwatoghano maukaro mpo namapuliro ghavapeke mushirongo shamaraka nadimuhoko dadingi;
- kukorangeda lifumadeko lyauntu wamuntu naumanguruki waughamboro;
- kutapa ukenu nalikwatoghano kwavyakuhamena maudito ghamuudjuni ogho ghuna kukwanguro kukutjindja kukakundama nakumulyo waliparu: uvera wa AIDS, lipyupyu muudjuni, limyonontjitwe, litapero-ungavo muufuki, vita vyakudira kupwa, unkurungu ogho ghuna kuyeruko ogho ghuna tu tambo kumwe namakugwanekero-gwanekero ghamangi;
- kudimburura ashi momo ghana kungipa mapukuruko mo nka vana hepa vashongwa kukara nandunge ntani namanongontjo ghakuyeruka, mukukeverera, kutontonona nakukengurura asi weni mukurughanita mapukururo ghakukushuva-shuva;
- kutura vashongwa vana vangara nakutikita mo uyivi wavo mpopo va ka hulira nakukambeka ko kuvoko kwavyantjitwe, vikwaliparu namuhoko.

Mposhi ndjenditoshongo yaNavantje kutapa ruvede mukukulita manongontjo ghamulyo ghakuhamena kuvikushonga vyakukushuva-shuva. Manongontjo ghaweyo nakuvhura shi kughakulita pantjagho ntani kuvhura nka ghakushuve kutwara mumaukaro ghakukushuva-shuva nakutwara mumakushongero-uyivi. Liraka kuvatera mukukulita ovyo vana tura na*

- Manongontjo ghapashinaMuvaru
- Manongontjo ghamuMakugwanekero*
- Manongontjo ghaMapukururo*
- Manongontjo ghaLikoshononopo-udito*
- Manongontjo ghadeura yaparutu
- Manongontjo ghaLikuyendito-umwoye naghaMarumbatano*
- Manongontjo ghapashinankarapamwe nalirughanenokumwe
- Manongontjo ghaKurughanita naghaKukushongita*
- Manongontjo ghaLitedo naghaLighungo-ghayaro*

2. KONDA

Ukaro wamaraka muNamibia, yira liwapaiko lyapaveta vyakuhamena mulyo nashirughana shaliraka, ne vya kutjindja unene muruku rwalimanguruko. Makutjindjo ghano gha guma kuntjongitito yamaraka mpo ngoli vashongi va kare ntani vana vangara. Mpo ngoli vina karere mulyo ngudu mukukwata lighano ashi vinke ovyo gha yera po makutjindjo ghano ntani nka ashi vinke nani vya kuvhura kunomena.

Makushongo muNamibia kuna kara Makukwetjo ghakehe yuva, likengururo ntani nalitulitopo maghano ghamape mukukondjera kukatapa makushongo djuni kuvantu vamuNamibia. Muukaro waweyo mo lya yera po lighano lyakukatota po ndjenditoshongo yaLiraka lyaRumanyo nakuyitura mushirughana Ministri nashitambo shakukawapukurura mulyo namakushongo ghakukufana. Likengururo nalitjindjatjindjo ndjenditoshongo oyo ya karo po, kwa korera palikuturomo, makuyongo namarughanenokumwe ghapakashi kavashongwa, vashongi ntani navakwatitiko vamwe mukukatikita mo shitambo shandjenditoshongo.

Ntundiliro davyakuhamena kumaraka nampo ne kwa di tura po mukukwama ovyo va tjanga muVetantokora 3 na 19 yamulidiveta lyaNamibia. Mukuwederera kulighano oyo lya karo po lyakurenka ashi maraka naghantje ndi gha kufane ntani, lidiveta lyalyo kwa tapa shirughana shashipe kumaraka ghano mushirongo shaNamibia. Virughana vino kuvhura kuvishongona kutwara mwavino vina kukwamo ko:

- mulyo pantambo yamakushongo ashi ndyo liraka lyakushongita;
- lirughanito-paveta pamaruvede ghamwe yira mumapangero ghapantambomukunda, veta, vipangura navimwe weyo;
- ndjira yamulyo mumakugwanekero ntani mwa kurupwitira vyampo.

Mukutwara ovyo tuna twenyaghura pamuhovo, vya kara namulyo mukukwama madi maviri mukukulita ndjenditoshongo. Lidi lyakuhova kuna kuhamena kuliraka kutwara murupe rwashirongo ntani lidi lyauviri ne kuna kuhamena kuliraka parupe rwaumwalyo. Ndjenditoshongo mposhi kurwamena shirughana shamulyo waliraka lyoye kushetakanita naghavaunyoye. Ukaro waweyo kughuyitita po pakutura po mpepo yayiwa mumakushongo.

3. VITAMBO

Vitambo mbyovyoye kuntji ntani vyavyo kutjangurura vitambo vyakuhamena kumakushongo pantambo yaliraka lyakutanga lyamakonakono gha *NSSC Ordinary Level*. Vitambo mbyo vino ashi mu:

- kurenka vashongwa va timwitire mumakugwanekero nawa-nawa, momo vyawapera pakughamba napakutjanga
- kurenka vashongwa va kwate lighano nakulimburura ovyo vana kuyuvha, kuvarura, kukenga nakukumonena
- kukorangeda vashongwa va hafere nakupandura ngambo dakukushuva-shuva
- kukorangeda vashongwa va nyanyukire kuvaraghuranga mbapira
- kunkondopeka nakukorangeda litedoghayaro, litotopo nakuyiva ko vyakuhamena kuvitimwitira vyaVanamibia vyapangambo
- kukorangeda vashongwa va shana-shane viyiva vyamuliparu lyakehe muntu nakuyiva así vinke vina kuyendo muudjuni mudima
- kuwederera kuvikushonga vimwe vyavarongwa pakukulita manongontjo ghakuhamena kuvikushonga kehe vino (yira, lihanguro, likwatakanito, likengururo, litedo, likamo, lipompeko, lidimburuo lirenkereromo, litapo lyalighano, liyendururo, liwaneko-ufuki)
- kupameka uyivi wamushongwa mwene nauyivi likwatoghano lyamaukaro, mpo namapuliro ghavantupeke oghe va kara nagho mudimuhoko damaraka nampo dadiyingi.

4. MAPUKURURO-WEDERERO

Manangwiro ghakuhamena kuviri dakukushonga

Ndjendititoshongo dapantambo ya NSSCO ne kwa di totera po mumashinganyekero ashi vashongwa kwa kara namanangwiro ghaviri 130 dakukushonga mukehe shishongwa muure wamwaka mbiri, ngoli ghano ne manangwiro tupu. Ungi waviri odo va hepa mukuwana makushongo kuvhura kukutjindja kutwara muukaro washirongo nauyivikare wavashongwa wakuhamena kushishongwa shino. *National Curriculum for Basic Education (NCBE)* yayo kunegheda ashi shishongwa shino ngava shi shonganga mupereyode 8 dakeyino munute 40 mumudingunuko wamayuva 7, ndi pereyode 6 dakeyino munute 40 mumudingunuko wamayuva 5, muure wamwaka mbiri.

Likushongo lyapashakare

Kuna kuvinkondopeka ashi vashongwa ovo vana ka tameko shishongwa shino ne nkwardi va hova kare kukushonga shishogwa shaliraka lino pantambo yaliraka lyakutanga mu JS Ntambondunge 8-9.

Liyendokuuto

Ntambo da NSSCO ne kwa kara makushongo ghakurenkita vashongwa va yende kuuto mulivyukiliro kuvirughana ndi va yende kuuto namakushongo ghakuyeruka. Vashongwa va kupa ntambotundwamo da C dogoro nange A* mu NSSCO va pwa kuwapaika nawa mukukakwama vikushongo vyakukatwalidira kuntambo ya *Namibia Senior Secondary Certificate Advanced Subsidiary (NSSCAS)* nange mpo vi li po.

Vishongitito nambapirapulitiro

Ndjendititoshongo da NSSCO, mapuropepa navitundwamo vyakutunda kuvakonakoni ne kwa vi tumanga kushure nadintje. Dimuyaro damulyowaneko damuvishongwa (shih. yir. vikufanito), ntjene mpo di li nado kwa di tumanga kushure. Vikuvatilito mumakushongo ovyo va pulitira ne kwa kara mu *Senior Secondary Textbook Catalogue* oyo va tuma kushure nadintje.

5. UKALIMOSHONGWA

5.1 KUGHAMBA NAKUTEGHERERA

VITAMBOTAMUNUNO <i>Vashongwa ngava:</i>	VITAMBO VYENE-VYENE <i>Vashongwa kuvhura ngoli:</i>
1. tegherera nalinyanyu kuvitimwitira vyakukushuva-shuva ovyo vina tundo muvitjangwa yira: matimo, ntjumo, vighamba, vitundwamo, ngamboviri, mbudi, radiyo, mayuvhito, makukwetjo	• kutegherera mukupanda nakupembura (dimutango, vitimwitirafupi navimwe weyo) • kunegheda likwatoghano • kudimburura likukwamo navidjonaghuro navyakukakwama ko • kurughanita mapukururo ogho vana yuvhu • kunongonona nakukwatakana mapukururo (yira kutulita po makufano namakulimbo, mauwa namaudona) • kupumba vitundwamo-ghayarero vyamuvitjangwa vyapangambo • kurughanita mapukururo ogho vana yuvhu mukumanita shirughana, shi. yi. vitundwamo, shiturwapo • kutjanga ko kovyvo vana yuvhu
2. tegherera nakukwata lighano manangwiro	• kukwata lighano, kudimburura nakunongonona ntijmantjima dankango mumanangwiro yira: - kutontonona - kutwenya - kulimbika - kushetakanita - kukukwetja
3. hangura pakatji kamapuro ghakushuva-shuva nakulimburura ko momo vya wapera	• kuvyukilira kulimburura momo vya wapera kumapuro ogho gha nyando shimpe mapukururo • kudimburura mapuro gha hana malimbururo • kulimburura kumapuro ghakukushuva-shuva, yira shitambo, mapurotamununo namapuro gha “Nhii!” ndi “Hawe!”
4. kwata lighano mapukururo ghakutunda kumarunone ghakukushuva-shuva ghakuhamena kuvitambo vyene-vyene	• kurughanita rupe nangambito dakukuwa kumwe nashirughana • kutunga maghano kutwara movyo vana yuvhu • kukaya palitokoro nakudimburura makukwatakanito pakatji kamaghano ghakuhamena kuvitjangwa ovyo vana yuvhu • kushetakanita nakulimbika vitjangwa • kutapa vitundwamo vyakuhamena kuvitjangwa vyapangambo • kunegheda likwatoghano lyavighamba vyamughambi ntjene hepero • kunegheda linongonono nalitundoko unenene kungambito
5. dimburura ntijmantjima yashighamba ndi likukwetjo nakukengurura kovyvo vana yuvhu	• kutovorora po nkango dene-dene damulyo • kunongonona nawa lilindaghuroywi lyamughambi • kudimburura, shitambo, ukaro, mpepo, viparatjangwa

5.1 KUGHAMBA NAKUTEHGERERA (Mulitwikiro)

VITAMBOTAMUNUNO <i>Vashongwa ngava:</i>	VITAMBO VYENE-VYENE <i>Vashongwa kuvhura ngoli:</i>
	• kushinganyekera shitambo shamughambi kumwe nakughupa matokoro • kukama vininke kukwama vyakuyuvha • kuhangura muviyuvhaika pakashi kamapukururo ghamulyo naghakupira mulyo • kukumburura ko kumapukururo ghakuhamena kuvikupuraghera, TV naradiyo, vitjangaghura, matimo, uyivikare wanavantje • kutapa nkumbu yakuhamena ko ndi nkumbu yamulikengururo
6. tapa mapukururo namaghano mulikugwanekero	• kukuhamitira mo nalinyanyu mushitimwitira • kutota po nakukulita shitimwitira shakudjira mo • kutapa mapukururo nanguli vi kene nawa-nawa • kukulita maghano ghavyukilire nawa mundjira • kukwata lighano nakutura nawa maghano namakukanano • kuvhuruka nakutimwitira vishorokwa vyamuvitjangwa
7. ghamba vyakuyuvhika kurughanita lilindaghuraywi momo vya wapera nakuganda nkango	• kurughanita lidefunonkango mumushagharo nangambito yauhunga vi yuvhike nawa • kunegheda ukaro pakurughanita ngambito muuhunga nakulindaghura nawa liywi
8. rughanita ushwinkango mumaukaro ghakukushuva-shuva mukukatota po nkango dadipe nakudefuna nawa	• kurughanita ushwinkango wakukushuva-shuva • kushingonona nkango naturuvambi kutwara muukaro • kurughanita ndikontjongaraka muuhunga • kutovorora nkango dauhunga navitegho
9. limburura nawa pangambo mumaukaro ghakukushuva-shuva	• kunegheda unongi mukurughanita maghano ghamape • kunegheda liyivo lyamutambitiri • kupura mapuro djuni mukukenita ovyo vana yuvhu • kulimburura momo vya wapera mumbyutongambo ndi mushitimwitira • kurupwita shighamba osho vana kughayara • kutura ngambito yi kuwe kumwe namutambitiri • kurughanita ndikontjongaraka naushwinkango momo vya wapera • kukwata lighano ntjimentjima, nguli nashitambo • kughupa mo mapukururo djuni nakugharughanita momo vya wapera

5.1 KUGHAMBA NAKUTEHGERERA (Mulitwikiro)

VITAMBOTAMUNUNO	VITAMBO VYENE-VYENE
<i>Vashongwa ngava:</i>	<i>Vashongwa kuvhura ngoli:</i>
10. kulita manongontjo ghakutapa uyivi wapangambo	• kunegheda vitomporwa muviviyaghukaghambaghuro vyakukushuva-shuva yira kulimburura kuviviyauka vyapangambo vyakuviparatiangwa ovyo vyayivikwo • kulimburura kuviviyaghuka vyakukushuva-shuva vyapangambo, yira vighamba, vitundwamo, matjangururo, mapuraghero, mbyutongambo, matjingito, ntjumo, vitjangaghura, dimutango, vitjanga vyakughupa mumbapira damutininiko • kutapa vighamba, vitundwamo, vinegheda • kutapa litapombudi lyakudjira mo • kupompeka mapukururo ghamawa ghakunyanyukita ghamulitapombudi • kutapa maghanano ghakudjira mo • kutapa manangwiro • kughamba shighamba shakukutuntika shakuhamena kushiparatjangwa shangandi • kulimburura pashinaukondi kwavyakuhamena kushineghedo (lifano, shininke, shagharo) • kurughanita vighambaneghaghuro momo vya wapera • kukwata lighano nakurughanita rutimwitililo rwantantani narwakare • kudana nawa vidanatemununo
11. rughanita liraka mukurupwita nakunegheda maukaro ghapamundinda	• kurupwita vyakuhamena kulipulitiro ndi lishweno • kukulimba mumbiri • kutapa ovyo va yiwa ndi maghano • kurupwita ndi kugaununa mashinganyeko • kunegheda upampi wa kushana kehe pano kushongaghura
12. tundita po maupyakadi mundjira yamakukwetjo, vighambaghura namakukanano pakurughanita manongontjo ghamakuwokumwe	• kurupwita nakupopera shankondo ovyo va pura • kutegherera kumaghano ghavantupeke • kukanita maghano nakuya po namghanopeke • kushaghekita po likanyi pakukuwa kumwe ndi pakukushemwatanita • kutulita po nkani djuni odo da karo naushiri • kutanturura nanongo ovyo va yuvha kuvantu mukunegheda likwatoghano • kushana lishuturopo kumaudito ghaushiri ndi mauditoghayarera • kunegheda unongi mumaghano

5.1 KUGHAMBA NAKUTEHGHHERERA (Mulitwikiro)

VITAMBOTAMUNUNO	VITAMBO VYENE-VYENE
<i>Vashongwa ngava:</i>	<i>Vashongwa kuvhura ngoli:</i>
13. rughanita ndikontjongaraka muuhunga mushighamba	• kurughanita nkwatelinkangodina momo vya wapera • kurughanita virenkwa nankangorughano datinkedi navhukitonkedi dauhunga • kurughanita nkangorughano nawa mumaruvede ghado • kurughanita neghovango dakuwapera • kurughanita tantonkangodina ngwedankangorughano muuhunga • kurughanita nkangonungo muntantotamununo namuntantoti • kurughanita lishuvondanda, livyukuruko nalivatukiromo muuhunga pangambo • kurughanita ndikontjongaraka dakukushuva-shuva • kurughanita vitegho/vishewe nangambofano

5.2

KUVARURA NAKUTJANGA

Vininke vyaukalimo ne kwa vhongatana mumapuropepa naghantje. Pakushonga B (Kuvarura naLitjangovyukiro) na C (Litjangoyenderero), navintje ovyo va yara mu A (mwaNavintje) kwa hepa kuvivhongakana ntani nakuviruganita kumwe.

VITAMBOTAMUNUNO	VITAMBO VYENE-VYENE
<i>Vashongwa ngava:</i>	<i>Vashongwa kuvhura ngoli:</i>
A: Mwanavintje 1. varura nakushingonona mapukururo	• kulimburura muuhunga kumanangwiro ghatatjangwa • kukwata lighano nakutapa mapukururo mukulimburura madinkango yira: - kudimburura - kutontonona - kughoneka (kuyara) - kutwenya - kuvorongondja vyakuhamena ku - kufwaturura - kutjangurura - kufanikita - kushingonona - kupaka po - kutunga - kushekanita/kugaununa - kuhangura - kushana-shana - kukama - kushetakanita - kukukwetja
2. negheda ukonentu mukudimburura vitwa vyamulyo po ndi po viparatjangwa mumaruvambi ghavitjangwa vyakukushuva-shuva	• kukenga ashi mbudi munke yamulyo mo mushivarurwa • kushingonona mapukururo ghangandi • kukama, kushingonona nakukengurura vitjanga vyamuvitjangwa • kushetakanita nakugaununa, kuruganita shitjangwa shimwe ndi vyavingi • kunegheda ashi vavo kuvhura kuyuvha maruha ghamulyo namaghanonkwatitoko nakunongonona ngoya / kushinganyeka vitundwamo / kwatita ko lighano lyamushivarurwa • kudimburura ukarovando wamutjangi • kudimburura vishinganyeka navighayadara, vyamafanikitoghambo navitegho/vishewe

5.2 KUVARURA NAKUTJANGA (mulitwikiro)

VITAMBOTAMUNUNO <i>Vashongwa ngava:</i>	VITAMBO VYENE-VYENE <i>Vashongwa kuvhura ngoli:</i>
3. negheda ukonentu mukudimburura vitwa vyamulyo po ndi po viparatjangwa mumaruvambi ghavivarurwa vyakukushuva-shuva (mulitwikiro)	• kunegheda ukonentu mukughupa mo mapukururo ghangandi muvitjangwa yira: - mbapirambudi - vitundwamo - vitjangaura (shayitunga, mangandjina navimwe weyo) - mavyukuruka - vitjangwafupi
4. rughanita manongontjo ghakukushuva-shuva ghakuvarura (kuvarura mumarupe nakwangu dakukushuva-shuva pakurughanita maruvarulito ghakukushuva-shuva)	• kuvarura wangu-wangu mushitjangwa mukukwata wangu lighano • kuvarura mukuwaneka tupu mapukururo ghangandi • kudidilika kuvarura mukukwata lighano • kurughanita nawa-nawa mbapira daungambi yira: - mbapira yaushwinkango navitambo vyavingi - mbapira yaushwinkango mukuwaneka ukonentu namapukururo ghangandi - hintaneti
5. didilika kuvarura mukuvhukita ukonentu, rupandu nakukuyuvha uwa-uwa	• kuvarura nakukwata lighano vivaraghura vyakukushuva-shuva vyamumbapira dambudi, vitundwamo, mbapira davimbeshitera nadimwe weyo • kutapa vitundwamo muvivarurwa vyavo mukunegheda ashi vavo vana vi yuvhu nakutapa mapukururo ghauhunga
6. va yikita kuvaraghura vitjangwa vyakukushuva-shuva	• kunegheda ashi vavo kuvhura kuyuvha kuwapayika nakutapa konda kumwe nka nangano • kuvarura mukuwaneka mapukururo naukonentu • kuvarura, kuyuvha nakupandura vivarurwa vyamatimo, vidana nadimutango • kuhangura makufano namakushuvo ghampo
7. varura vivarurwa vyavingi nalikuturomo	• kuhangura pakatji kakonda namaghano • kudimburura shitambo shamutjangi, lirughanito-ufuki navishongaghulito • kughoya shitimwitira shamushitjangwa • kushingonona ndjendito va rughanitanga vatjangi muliraka mukuwaneka vitundwamo • kukenga maukaro ghapakatji kavitjangwa vyakukushuva-shuva • kuhangura ukenu wamuvivarura nakuvitunga kumwe nakutura makukanano mumpompa • kutunga nawa maghano naukaro
8. kushonga mukukulita manongontjo ghakukama	• kukonakona nakughupa mbudi djuni, kupompeka vishongita nakuvitura omo vya wapera • kukengurura mapukururo nakutovorora mo oghe ghawapero shitambo shangandi • kughayarera, kukengurura, kushetakanita litungontanto, kuhangura nakughoya vyamuvitjanga

5.2 KUVARURA NAKUTJANGA (mulitwikiro)

VITAMBOTAMUNUNO <i>Vashongwa ngava:</i>	VITAMBO VYENE-VYENE <i>Vashongwa kuvhura ngoli:</i>
9. kulita nakuturamumpompa maghano ghakukuyenda nantanto matetoghano namuvitjangwa navintje	• kurughanita ntanto dakuyura mumatetoghano mumpompa mukutontonona lighano nantanto ntani nantjimatjima yangandi • kurughanita litwaromo, ukalimo nakughoya matetoghano • kunungakanita nakukulita maghano • kuwapaika, kutunga nakukengurura vitjangwa kumeho ya kukasheteka kutjanga • kutjanga kutwara muvavaruli
10. kwata lighano nakutapa makushuvo ghapakatji ntani nakurughanita kutjanga nakughamba	• kurughanita lishuvondanda pakutjanga, (yira ntjangwatumwa dapaundambo nambyutongambo) • kurughanita liraka lyakupira kuvyukilira nakughayadara mukutjanga nange kuna kughambaura kwavyakuhamena vikengito • kurughanita vininke vyakumonikita nawa muvitjangwa yira (litemununo) mumarupe ghakukushuhuva-shuva ghakutjanga yira mumapuraghero, muvitjangaghura, muvitundwamo • kurughanita vihepwa navikaramo vyakumoneka nawa mukupameka likwatoghano • kurughanita ngambito yayiwa muruede rwakughamba vyapaveta navyakapishi-paveta • kumonekita uyivi wankango dakudira kuwopera kutjanga, dakurughanita muvitimwitira-timwitira tupu, nkango damashendende nalishuvondanda • kudemena palidefuno nalilindaghuroywi
11. negheda unongi mukutjanga kwavyakonda, makuyuvho namaghano	• kunomena pakushingonona viparatjangwa mposhi mukuwaneka ndjira yakutjanga • kutapa mapururo djuni • kurupwita maghayadaro nalikuyuvho mukurughanita ntjangitito dakukushuva-shuva • kupopera maghano kutwara omo vyawopera mumpompa yavyo yira pakutjanga vighamba ndi mumakukanano ghamunkondarongero • kurughanita manongontjo ghakuyura nawa nalishingonono djuni pakulimburura kushivarurwa
B: Ntjongaraka naUshwinkango 12. negheda lirughanitonawa lishantjo, viyivitovaruro nantjangito yauhunga yapaveta	• kurughanita viyivitovarurovyavireru muuhunga, yira: - vitwa - vikomona - vitemununito - vipulito - viharukito - nkurundanda

5.2 KUVARURA NAKUTJANGA (mulitwikiro)

VITAMBOTAMUNUNO Vashongwa ngava:	VITAMBO VYENE-VYENE Vashongwa kuvhura ngoli:
negheda lirughanitonawa lishantjo, viyivitovaruro nantjangito yapaveta yauhunga (mulitwikiro)	• kurughanita viyivitovaruro vyavidito muuhunga pakutjanga: - vitwaviri - vitwakomona-kahe - ntjato - tuhake - vitwikakanito - tundjototo • kunegheda likwatoghano nakurughanita dimuragho dalishantjo damuliraka • kurughanita mushagharo wauhunga muliraka, yira - turuvambi - turuvambi twakukughara natwakudira kukughara - ndandashagharo, ndandashaghalito nandandaviri - mushagharo - lidefuno muuhunga - nkangontjetelito
13. rughanita ndiko-ntjongaraka muuhunga pakutjanga	• khangura makushuvo ghapakatji kankangodina • kurughanita nkwatelinkangodina momo da wapera • kurughanita nkangorughano muuhunga kutwara munkangodina nankwatelinkangodina patinkedi napavhukitonkedi • kurughanita nkangorughano muvirugho vyauhunga • kurughanita nakutjanga neghovango dakukushuva-shuva muuhunga • kurughanita nakutura ntjigonononkangorughano palivango opo da wapera • kurughanita ntanto daureru pakutjanga • kurughanita ntanto dauhunga • kurughanita nkangonungo muuhunga pakutjanga ntanto dadire • kurughanita nkango dapapangi nantjongaraka • kurughanita dimuragho dankango dakukuwa kumwe • kurughanita nkangovatero • kurughanita litjindjo lyankango • kurughanita nkangotwikakanito • kurughanita mushaghero wamaghano • kurughanita nkangoharukito • kurughanita ngambopuru nangambonkondomoke

5.2 KUVARURA NAKUTJANGA (mulitwikiro)

VITAMBOTAMUNUNO	VITAMBO VYENE-VYENE
Vashongwa ngava:	Vashongwa kuvhura ngoli:
14. rughanita ndiko-ntjongaraka muuhunga pakutjanga (mulitwikiro)	• kuyiva virugho nakurughanita liywi lyapashinantaani liywi lyapashinakare • kurughanita mashetakanitonkango • kurughanita ntantotundakano • kurughanita vishewe navitegho
15. rughanita nawa-nawa ushwinkango momo vya wapera mumaukaro namuvirugho vyakukushuva-shuva	• kuvhulika kurughanita ushwinkango wakuvyukilira wa hana matamayi • kurughanita ushwinkango nawa wapantu, likarokumwe navitambo mumakushongo • kurughanita ushwinkango nakuditunga muukaro wakuwapera • kurughanita ushwinkango wakukushuva-shuva mukushingonona ndi mumakukanano • kurughanita ushwinkango waudito ngudu kutwara mushirughana shamuntu • kushana ushwinkango mwene mumarupe naghantje yira mumakushongo, maudano, unkurungu, likarokumwe, navimw. • kurughanita makufano, makulimbo nankango dapangi
16. dimburura makufamo/makushuvo nakutapa umbangi	• kudimburura makufano namakushuvo ghapakatji kavitjangwa viviri • kutapa umbangi navihonena vyamakufano namakushuvo
C: Litjangovyukiliro 17. tjanga vitjangwa vyavingi vyakukushuva-shuva	kutjanga: • ntjangwatumwa • vitjangaghura vyamumbapira dambudi ndi kumbapira dambudi dapashure • vitundwamo • mbyutongambo/vitimwitira • vighamba • kwavyakuhamena kuvishorokwa vyakehe yuva

5.2 KUVARURA NAKUTJANGA (mulitwikiro)

VITAMBOTAMUNUNO <i>Vashongwa ngava:</i>	VITAMBO VYENE-VYENE <i>Vashongwa kuvhura ngoli:</i>
D: Ngambodami yapangambo <i>Mpo nankarapamwe</i> 18. waneka ukonentu nalikwatoghano kwavi vyakuhamena maruditjangwa navirughanita vyapampo vyakukushuvu-shuva:	• kurughana likonakono, kupongaika, kuhangura, kukengurura, nakutapa mapukururo ghakutapuka mulirupwitiro vyapampo yira: - dimutango-tangito - ntjumo - udano - vilika - mpo, navimw. • kutura nawa pangambo malimbururo djuni naghakuhamena kuvininke nankedi dakukushuva-shuva dalirupwitiro vyapampo • kukulita malimbururo ghapamundinda ghakuhamena kumapukururo ogho va pongaika ghakutapuka kumalimbururo ghapampo
E: Vitjangwa <i>Litedolimbururo kuvitjangwa</i> 19. limburura mulitedo: - kuvitjangwa vyangambodami - kuvitjangwa vyankani/vyalishongaghuro	• kukumburura ko kushitambo vitantwa vyapantunda-ntunda ntani nantjimentjima yaukalimo washitjangwa - kudimburura ukaro ndi lilindaghuroywi lyamutjangi pakurughanita ndjenditito yira: ndikontanto, litovororonkango, viyitovaruro, liraka lyapaveta nalyakapishi-paveta - kudimburura lighano lyamutjangi - kudimburura mutambitirighayarero • kunegheda rupandu ashi weni likuyuvho, maukaro ndi po nkani omo va di tapa nawa-nawa - ukaro wapashinankarapamwe wamushitjangwa - viyivito vyalikuyuvho munkango - liyivo vyaufuki wa hana yivilito • kukugwanekera mulilimbururo patedo, uhe ntani napadjuni pamundinda - kutapa maumbangi ghakurughanita matemununo ghamushitjangwa - kukwata lighano vahamenimo, makutundakano, maukaro nantjimentjima - kukonakona likambekoko kuvoko kulikwatoghano lyamaruha ghamaudito ghakuhamena kuvantu

5.2 KUVARURA NAKUTJANGA (mulitwikiro)

VITAMBOTAMUNUNO	VITAMBO VYENE-VYENE
<i>Vashongwa ngava:</i>	<i>Vashongwa kuvhura ngoli:</i>
F: Litjangoyenderero 20. tjanga ntjangwatimwitira dakukushuva-shuva	• kutota po vitjangwa kumwe nakunomena ushwinkango, ndikontanto nantjongaraka • kutapa vighayadara nakukenita konda damumaghano ghaumwavo • kughayadara nakutura po vishorwokwa navyo va tamununa unene • kutapa uyivikare, vighayadara, likuyuvho, maghano • kuvhuruka nakutovorora vishorokwa navitontononwa • kutjanga: • ntjangwatimwitira davitimwitira • ntjangwatimwitira dalishingtonono • ntjangwatimwitira dankani

6. MULYOWANEKO

6.1 VITAMBO VYAMULYOWANEKO (VM)

Mukonda yakukaranga nantjongitito yaliraka yakukwama ndjenditito yaligwanekero mukushongita rughambo ntatekotomporwa yamaraka kwa hepa kuyishonga pankedi yalikwatakano yakukufana yira momo twa rughanitanga liraka muvishorokwa vyakehe yuva muliparu. Mposhi kushonga liraka nakuvhura shi kukugaununa mumaruha ghakukushuva-shuva. Vitambo vyaKutegherera/Kughamba ne kwa vi tura kumwe.

6.1.1 SM1 KUGHAMBA NAKUTEGHERERA (GT)

Vashongwa kuvhura ngoli:

- GT1 kukwata lighano, kupompeka nakunegheda ushiri nangano;
- GT2 kulimburura muuhunga kumarawiro ghapangambo namaruha;
- GT3 kupongaika nakukengurura mapukururo nakutovorora po vyamulyo muvitambo vyangandi yira litapo-uyivi;
- GT4 kughamba nawa-nawa kwavyakuhama kuuyivikare nakughamba vyakuyuvha navyapangayaro;
- GT5 kudimburura vitantwavando namaukaro;
- GT6 kughamba nawa-nawa mulikugwanekero nakukenita nawa-nawa shighamba shi djire mo;
- GT7 kukwama nkani dapangambo, kuwana vitambo nakukaya po muruhulilira nangoyo.

6.1.2 SM2 KUVARURA (VA)

Vashongwa kuvhura ngoli:

- VA1 kukwata lighano nakushetakanita mapukururo-moneko navitantwa;
- VA2 kuwaneka, kukengurura nakutovorora po mapukururo ghamulyo mukugarughanita kushitambo shangandi;
- VA3 kukwata lighano nakushetakanita mapukururo-moneko vitantwavando namaukaro; kupumba vighayadara;
- VA4 kudimburura ashi weni mwakunegheda mutjangi vitantwa, nakutikita mo shitambo she, mvhongwa ko nakupitira murupe rwangambofano.

6.1.3 SM3 KUTJANGA (TJA)

Vashongwa kuvhura ngoli:

- TJA1 kupompeka nakutapa ushiri nangano;
- TJA2 kulimburura momo vyawapera kumapukururo, maghano namaukaro oghe gha karo mushitjangwa;
- TJA3 kughamba mushivuya kuvikukengera nakurupwita vighayara, makuyuvho navishinganyekera;
- TJA4 kugwanekera nawa-nawa ntani momo vya wapera kukwama mutambitiri wangandi;
- TJA5 kupompeka nakutapa uyivi wamapukururo mulikukwamo oloyo va tapa kurughanita matetoghano nandikontanto dakukushuva-shuva;
- TJA6 kurughanita lishantjo nanongo, viyitovaruro nanavintje vyakuhama kuntjongaraka, ushwinkango nantjangitito yakuwapera;
- TJA7 kutjanga mulighungo kupitira muvirughanatambo vyakukushuva-shuva vyapatjangwa.

6.1.4 SM4 VITJANGWA (VTJ) Litedolimbururo kuvitjangwa

Vashongwa kuvhura ngoli:

- STJ1 kukumburura ko kushitambo vitantwa vyapantunda-ntunda ntani nantjimantjima yaukalimo washitjangwa;
- STJ2 kunegheda rupandu ashi weni likuyuvho, maukaro ndi po nkani omo va di tapanga nawa-nawa;

STJ3 kukugwanekera mulilimburo patedo, uhe ntani napadjuni pamundinda.

6.1.5 SM5 NGAMBODAMI YAPANGAMBO

Mpo naNkarapamwe – Muylowaneko waKurughanena paShure

Vashongwa kuvhura ngoli:

- S1 kurughana likonakono, kupongaika, kuhangura, kukengurura nakutapa mapukururo ghakutunda mumaronone ghalirupwitiro vyapampo;
- S2 kutura nawa malimburodjuni ghakuhamena ko kumarupe ghakukushuva-shuva ghalirupwitiro vyapampo patjangwa;
- S3 kukulita malimburo ghapamundinda ghakuhamena kumapukururo oghe va pongaika ghakutundilira mulirupwitiro vyapampo.

6.2 MAKUTANDAKANO GHAPAKATJI KAVITAMBO VYAMULYOWANEKO NAMARUHA

Maruha	Vitambo vyaMulyowaneko								
	SM1 Kuvarura naKutjanga	SM2 Kuvarura	SM3 Kutjanga	SM4 Vitjangwa	SM5 Ngambodami -pangambo		Livihomudima		
	Vitwa	Vitwa	Vitwa	Vitwa	Vitwa	Shivaro shaVitwa- vishu	Lifano -vihito	Vitwa ovyo va tjindja	Ruha %
Lipuropepa 1: Kuvarura naLitjangovyukiliro		45	10			55	1.455	80	40
Lipuropepa 2: Litjangoyenderero			40			40	1	40	20
Lipuropepa 3: Litedolimbururo kushitjangwa				20		20	1.5	30	15
Lipuropepa 4: Shirughantumwa shapaTjangwa					20	20	1	20	10
Lipuropepa 5: Likonakono lyapangambo	30					30	1	30	15
Likamo	30	45	50	40		165		200	100
Lifano-vihito	1	1.455	1.5 (10) + 1 (40)	1.5 (20)	1(20)				
Vitwa ovyo va tjindja	30	65	15+40=55	20	30	200			
Vitambo vyaMulyowaneko mu %	15	32.5	27.5	10	15	100			

6.3 LISHINGONONONO LYAMAPUROPEPA

Lipuropepa	Rudi rwaMapuro	Vitwa	Ruvede
Lipuropepa 1 Kuvarura naLitjangovyukiliro	Ngavi kara mo vivarurwa viviri vyakutunda kumarunone djuni. Vivarurwa vino kapishi dogoro vi tunde muviparatjangwa vyakukufana. Ure wakehe shivarurwa ngau kara mwara mpenapepa yimwe naukahe yashipepa shamakonakono ndi mwara nkango 800 muvitjangwa vyaRuhingirisha omo sha tapuka. Ngoli, ure wavitjangwa kuvhura ngau kare ghuna repa ndi ghuna fupipa pakutoroka muRumanyo. Mwamo ngava pura mo mapuro matatu. Lipongonyono A <u>Lipuro 1</u> Livarurokwatoghano (kutwara mushivarurwa 1) Lipongonyono lino kwayimana pamapuro ghalivarurokwatoghano ghakukonakona vitambo vyamulyowaneko vino vina kukwamo ko: SM2 KUVARURA <i>Vashongwa kuvhura ngoli:</i> VA1 kukwata lighano nakushetakanita mapukururo-moneko navitantwa; VA3 kukwata lighano nakushetakanita vitantwa-vando namaukaro; kupumba vighayadara; VA4 kudimburura ashi weni mwakunegheda mutjangi vitantwa, nakutikita mo shitambo she, mvhongwa ko nakupitira murupe rwangambofano. Vitwatambo vya VM wa VA3 na VA4 ne 2 ndi 3 mwakehe shino. Mapuro-gharuko ghano ghagho ngagha hepanga vyavingi kapishi livyukiliro tupu kudamaghuro (ndi livyukuruko) mapukururo ghamushivarurwa. <u>Lipuro 2</u> Likoreko murupe rwavitwa, likamo (kutwara mushivarurwa 1). Lipuro lino ngali konakonanga uvhuli wakukukama mapukururo ghangandi ghakutundilira mushivarurwa. Lipuro lino ngava li gaununa paviri. (a) Vakandidate ngava tjanganga ukalimo wavitwa murupe rwakundomaika wavitwa 15. (b) Vakandidate ngava rughanita vitwa vino vyamu (a) kuwiru mukutjanga likamo murupe rwalitjangoyenderero lyavitwa 5. Ure walikamo ngau tika mwara nkango 100-150. Lipuro lino ngali konakonanga vitambo vyamulyowaneko vino vina kukwamo ko: Lipuro 2 (a) SM2 KUVARURA <i>Vashongwa kuvhura ngoli:</i> VA1 kukwata lighano nakushetakanita mapukururo-moneko navitantwa; VA2 kuwaneka, kukengurura nakutovorora po mapukururo ghamulyo mukugarughanita kushitambo shangandi. Lipuro 2 (b) SM3 KUTJANGA <i>Vashongwa kuvhura ngoli:</i> TJA1 kupompeka nakutapa ushiri nangano; TJA3 kughamba mushivuya kuvikukengera nakurupwita vighayara, makuyuvho navishinganyekera; TJA5 kupompeka nakutapa uyivi wamapukururo mulikukwamo oloyo va tapa kurughanita matetoghano nandikontanto dakukushuva-shuva; TJA6 kurughanita nanongo lishantjo, viyitovaruro nanavintje vyakuhamena kuntjongaraka, ushwinkango nantjangitito yakuwapera. Kenga Shiwederera A shakukolikita likamo.	[15]	
		[20]	

Lipuropepa	Rudi rwaMapuro	Vitwa	Ruvede
	Lipongonyono B <u>Lipuro 3 Lilimbururo muLitjangovyukiliro</u> kuShivarura 2 Vashongwa kuna kukavataterera mukutjanga mwara nkango 250-300 mukukalimburura kushivarurwa 2. Shino ne shirughana shalilitjangovyukiliro yira ntjangwatumwa, shaitunga ndi mangandjina, vitundwamo, shighamba ndi vitjangaghura vyakehe yuva. Vakandidate kuna kukavataterera va ka hamitire malimbururo ghavo kuukalimo wamushivarurwa nakukaghakulita nawa. Vitwa 15 ngava vi tapanga kukuvarura ntani 5 kukutjanga. Lipuro lino ngali kakonakonanga vitambo vyamulyowaneko vino vina kukwamo ko: SM2 KUVARURA <i>Vashongwa kuvhura ngoli:</i> VA1 kukwata lighano nakushetakanita mapukururo-moneko navitantwa; VA2 kuwaneka, kukengurura nakutovorora po mapurukuro ghamulyo mukugharughanita kushitambo shangandi; VA3 kukwata lighano nakushetakanita mapukururo-vando namaukaro; kupumba vighayadara; VA4 kudimburura ashi weni mwakunegheda mutjangi vitantwa, nakutikita mo shitambo she, mvhongwa ko nakupitira murupe rwangambofano. SM3 KUTJANGA <i>Vashongwa kuvhura ngoli:</i> TJA1 kupompeka nakutapa ushiri nangano; TJA2 kulimburura momo vya wapera kumapukururo, ngano namaukaro ghakurupukira mushitjangwa; TJA3 kughamba mushivuya kuvikukengera nakurupwita vighayara, makuyuvho navishinganyekera; TJA4 kugwaneke nawa-nawa ntani momo vya wapera kukwama mutambitiri wangandi; TJA5 kupompeka nakutapa uyivi wamapukururo mulikukwamo oloyo va tapa kurughanita matetoghano nandikontanto dakukushuva-shuva; TJA6 kurughanita nanongo lishantjo, viyitovaruro nanavintje vyakuhamena kuntjongaraka, ushwinkango nantjangitito yakuwapera; TJA7 kutjanga mulighungo kupitira muvirughanatambo vyakukushuva-shuva vyapatjangwa. Kenga Shiwederera B shakukolikita shirughana shalitjangovyukiliro.	[20]	
Lipuropepa 2 Litjangoyenderero	Lipuropepa lino ngali konakonanga manongontjo ghamushongwa kwavyakuhamena litjangoyenderero. Ngali kara po litovororo pakatji kaviparatjangwa ntayimwe, vyakuhamena kumalimbururo ghavyavitimwitira, lishingonono ndi po nkani murupe rwakuwapera. Vashongwa ngava tovororanga po tupu shiparatjangwa shimwe nakutjanga ko paufupi ntani namuure wakuwapera. Lipuro ngali konakonanga vitambo vyamulyowaneko vino vina kukwamo ko: SM3 KUTJANGA <i>Vashongwa kuvhura ngoli:</i> TJA1 kupompeka nakutapa ushiri nangano; TJA3 kughamba mushivuya kuvikukengera nakurupwita vighayara, makuyuvho navishinganyekera;	Shivaro: 55	Viri 2

Lipuropepa	Rudi rwaMapuro	Vitwa	Ruede
	TJA4 kugwanekera nawa-nawa ntani momo vya wopera kukwama mutambitiri wangandi; TJA5 kupompeka nakutapa uyivi wamapukururo mulikukwamo oloyo va tapa kurughanita ma tetoghano nandikontanto dakukushuva-shuva; TJA6 kurughanita nanongo lishantjo, viyitovaruro nanavintje vyakuhamena kuntjongaraka, ushwinkango nantjangitito yakuwopera; TJA7 kutjanga mulighungo kupitira muvirughanatambo vyakukushuva-shuva vyapatjangwa. Kenga Shiwederera C shakukolikita shirughana shalitjangoyenderero.	Shivaro: 40	Viri 1 munute 30
Lipuropepa 3 Litedolimburo kushitjangwa	Nga pa karanga shivarurwa shi mono/yivo ntani nalipuro limwe oloyo lya karo navitwaneghedo oloyo ngava pura ko. Shivarurwa kuvhura kukara shakutunda kukaruvambi kangambodami (mutango, shitmwitirafupi, shidanauka) osho pamwe va toroka shi tunde murunone rwaliraka lyapeke NDI shitjangwa shamakukanano/shakushongaghura shakuhamena viparatjangwa vyapampo ovyo vya karo navishewe/liraka lyangambitofano. Lipuro lino ngali konakonanga vitambo vyamulyowaneko vino vina kukwamo ko: SM4 VITJANGWA (VT) Litedolimburo kushitjangwa <i>Vashongwa kuvhura ngoli:</i> STJ1 kukumburura ko kushitambo, vitantwa vyapantunda-ntunda ntani nantjimantjima yaikalimo washitjangwa; STJ2 kuneghedo rupandu ashi weni likuyuvho, maukaro ndi po nkani omo va di tapanga nawa-nawa; STJ3 kukugwanekera mulilimburo patedo, uhe ntani napadjuni pamundinda. Kenga Shiwederera D shakukolikita ntjangwatimwitira ndi vitundwamo kuhamena kulimburotedo lyakushitjangwa.	Shivaro: 20	Viri 1 munute 20
Lipuropepa 4 Mpo naNkarapamwe (Shirughanatumwa shapaTjangwa)	Ukalimo walipongonyono lino ngaghu demenena pampo napamapuliro ghamamundinda wakehe liraka, kumwe namakonakono-nkumbu yapatedo. Vihonena vyaviparatjangwa vyakuwopera ngava vi tapanga mudjendititoshongo damumaraka ghakukushuva-shuva. Mukuwaneka lishetakano pakatji kamaraka, uwa unene ashi vakandidate vamumaraka naghantje va pongaika mapukururo ghakutundilira kumarunone ghamangi ghakukushuva-shuva ovyo ngavi kava renkito va ka vhure kukakengurura mapukururo oghe va pongaika. Mulitapo-uyivi nalikukwetjo lyavo, vakandidate vana hepa kughamba vyakuhamena malimburo djuni ghaparwavo kutwara mumapukururo oghe va pongaika. Mpo ngoli va hepera kunomena vitambo vyamulyowaneko. Dino dina kukwamo ko ne ndo ntjimantjima dimwe oko ngava vhanganga kukulita viparatjangwa: • upingwa, ntundiliro, vitimwitira vyakare, makoro, marudi • rumorolito • rudwatito • mpo damunkarapamwe navinamulyo • ndya, mvhongwa ko navipito vyapakuyangura • ntjumo, matangu, narudanito • ndjira dakupita kutundilira kumavharo mughukondi dogoro		

Lipuropepa	Rudi rwaMapuro	Vitwa	Ruvede
	nange kumfa • virughana vyapashakare mvhongwa ko likutaperovirughana • ndiko daukonentu wavyakare mvhongwa ko navirughanito vyaukanguki • mapuliro ghapampepo, ghandjambo naghapangayaro Ure washirughanatumwa shapatjangwa ngau karanga nankango 700-1000 murupe rwantjanganatimwitira ndi vitundwamo. Maumbangi ngagha karanga muyaro wavanu ovo va tapo mapukururo, mayuva namavango oko va ka va puraghelire, mafano navikwatamaywi murupe rwa CD vyakudira kupitakana munute ntano (ntjene hepero). Lipuropepa lino kukonakona vitambo vyamulyowaneko vina kukwamo ko: S1 kurughana likonakono, kupongaika, kuhangura, kukengurura nakutapa mapukururo ghakutunda mumaronone ghalirupwitiro vyapampo; S2 kutura nawa malimburodjuni ghakuhamena ko kumarupe ghakukushuva-shuva ghalirupwitiro vyapampo patjangwa; S3 kukulita malimburo ghapamundinda ghakuhamena kumapukururo oghe va pongaika ghakutundilira mulirupwitiro vyapampo. (Kenga Shiwederera E: Ndjendititoneghedo yaMaruha ghapaShure. Lipuropepa 4 na 5)	Shivaro: 20	Kapi vya hama ko
Lipuropepa 5 Makonakono ghapaNgambo	Shiparajtangwa shakuhamena kuKumakonakono mudima ghapaNgambo (kughamba nakutegherera) oghe ngagha demenena palikonakono lyamukandidate muShirughanatumwa shapaNgambo. Mukukara ashi litwaromo, mukandidate kutapa ntjijantjima yalikonakono lye. Vakandidate kukavataterera ngoli mukukatamununa nakukankondopeka ukalimo washiparatjangwa shavo osho va tovorora muruvede rwashighambaura. Lipuropepa ngali yimana pamapongonyono maviri: Lipongonyono A: Litapo-uyivi. Vitwa 10 Litapo-uyivi kapi ngali pitakananga munute ntano mushivaro, omo ngamu karango mwara munute mbiri damukandidate dakughamba. Munute ntatu dakuhupa ko kuvhura kukadirughanita mukuveta vikwavikwatamaywi ndi kunegheda vikuvatilito oko ngaka kumbururanga mukandidate. Vakandidate: • kutapa uyivi wakuhamena kuntjangwatimwitira yashirughanatumwa she (ndi vitundwamo) pangambo • kutapa muufupi ntjijantjima yamakonakono ghavo • omo vya wapera ndi kutwikira kughamba – mukonakoni kuvhura ava pure mapuro ntjene kapi vana mana muruvede oro va tura po • kwa hepa ntani kunegheda uyivi wamutambitiri nakurughanita rupe nandughanitoraka yakuwapera • kapi va va pulitira mukurughanita mwamunene vikuvatilito mukuvavatera litapo-uyivi mvhongwa ko kuvarura vimbapirawapaiko Mukonakoni: • kudjotaikadjotaika muruvede rwalitapo-uyivi opo gha ka demenena makuyongo		

Lipuropepa	Rudi rwaMapuro	Vitwa	Ruede
	Lipongonyono B: Likukwetjo (Munute 8-10) Vitwa 20 Mukonakoni: • kupura mapuro mukuwaneka mulyo manongontjo ghavakandidate ghakutegherera kughupa ko mukumukorangeda mukugwakera-gwanekera • kutjokatjoka vighamba/nguli vya/dangandi vya/dakutundilira kwamukandidate • kupuraghera mukandidate a tamunune shirughanatumwa she muntjimantjima navininke • kukupora ko kukushana kushwaghukita mukandidate, uye kushana tupu ukenu ndi kutura po viturwapo vyakuhamena kushitjangwa ovyo vi ka yo mulighano lyamukandidate Lipuropepa lino lyalyo kukonakona vitambo vyamulyowaneko vino vina kukwamo ko: SM1 KUGHAMBA NAKUTEGHERERA <i>Vashongwa kuvhura ngoli:</i> GT1 kupompeka nakutapa ushiri nangano; GT2 kulimburura muuhunga kumarawiro ghapangambo namaruha; GT3 kupongaika nakukengurura mapukururo nakutovorora po vyamulyo muvitambo vyangandi yira litapo-uyivi; GT4 kutapa ukenu wavikengerwa, kurupwita vighayadara, likuyuvho navighayarera; GT5 kudimburura vitantwavando namaukaro; GT6 kughamba nawa-nawa mulikugwanekero nakukenita nawa shighamba shi djire mo; GT7 kukwama nkani dapangambo, kuwana vitambo nakukaya po muruhulilira nangoyo. (Kenga Shiwederera E: Ndjendititoneghedo yaMaruha ghapashure. Lipuropepa 4 na 5)		
		Shivaro: 30	Munute ±15

6.4 SHINEGHEDONKEDIKONAKONO

Shitambo shaMulyowaneko		Lipuro- pepa 1	Lipuro- pepa 2	Lipuro- pepa 3	Lipuro- pepa 4	Lipuro- pepa 5
SM1	GT1					✓
	GT2					✓
	GT3					✓
	GT4					✓
	GT5					✓
	GT6					✓
	GT7					✓
SM2	VA1	✓				
	VA2	✓				
	VA3	✓				
	VA4	✓				
SM3	TJA1	✓	✓			
	TJA2	✓	✓			
	TJA3	✓	✓			
	TJA4	✓	✓			
	TJA5	✓	✓			
	TJA6	✓	✓			
	TJA7	✓	✓			
SM4	VTJ1			✓		
	VTJ 2			✓		
	VTJ3			✓		
SM5	S1				✓	
	S2				✓	
	S3				✓	

6.5 MASHINGONONONTAMBOTUNDWAMO

Mashingononontambotundwano kwa karera po mukutapa likwatoghano lyanavintje lyavitikitamo ovyo va negheda vashongwa ovo va pa ntambotundwamo dangandi. Mashingonono ghana hepa kukuwa kumwe naVitundwamo vyaLikushongo kumwe naVitambo vyaMulyowaneko yira momo vya tjangwa mundjenditoshongo yino muLipongonyono 5 na 6, shinene po nakuvhurama shi ashi vashongwa vano kwa ghupa shishongwa shino pantambo yaLiraka lyaKutanga. Mashingononontambotundwamo ghano kapi ghakundama kulitomporo mumaruha ghangandi ghamakonakono parwagho. Ntambotundwamo yakuhulilira ne kuyitapa mukutwara muvitomporwa vyamumaruha naghantje ghamakonakono. Lipirotomporo mumaruha ghangandi kuvhura kuliwapukurura navitundwamo vyamutombo djuni mumaruha ghamwe ghamakonakono nakutapa lishingononontambotundwamo lyakuwapera.

Mushongwa wakuwana **Ntambotunwamo ya A** ngava mu tateranga mu:

1. kukwata lighano maushiri nangano dadidito nakuvipompeka nakutapa uyivi wavyo mwamukenu ntani nanongo mukughamba namukutjanga;
2. kuwaneka vininke muvitjangwa vyapangambo navyapatjangwa nakutovororora, kukama nakutapa uyivi kwavyakuhama kuvitambo vyangandi;
3. kughamba nawa vi kenenene nakuyendurura vyakuhama kuuyivikare nakulitamununo nakuhangura mwamunene vyakuyuvha navyapangayarero;
4. kudimburura vitantwavando namaukaro ghamutjangi ndi mughambi nakumemuna mo vitantwa munkango, muukahentanto namungambofano;
5. kunegheda nawa-nawa uyivi wamutambitiri nalikwatoghano lyandughanito yaliraka momo vya wapera;
6. kutjanga mulighungo matetoghano ogho va tunga munarua, kurughanita ndikontanto dakuwaperera pakunegheda nongo mulishantjo, viyivitovaruro nanavintje ovyo vya hamo kuntjongaraka nantjangitito;
7. kulimburura hana matjokangedo mulitedo kuvitjangwa vyapangambo navyapatjangwa muukenu, parwendi ntani hana ntjinyaghoma;
8. kenegheda muligwanekero lilimbururo djuni lyapamwene lyakuhama kushitangwa namapukururo ogho a pongaika mundupwitiro yavyapampo;
9. kunegheda manongontjo ghadjuni ghalikonakono pakudimburura nawa-nawa shiparatjangwa shalikonakono kutulita po shitambo shalikonakono, kutovorora ndjenditito dalikonakono, kupongaika, kuhangura, kukukwetja nakutapa uyivi wakuhamena kumapukururo.

Mushongwa wakuwana **Ntambotunwamo ya C** ngava mu tateranga mu:

1. kukwata lighano maushiri nangano dadidito nakuvipompeka nakutapa uyivi wavyo nakaukenu mo ntani nanongo mukughamba namukutjanga;
2. kuwaneka vininke muvitjangwa vyapangambo navyapatjangwa nakutovororora, kukama nakutapa uyivi kwavyakuhama kuvitambo vyangandi;
3. kughamba nawa vi kene nakuyendurura vyakuhama kuuyivikare nakulitamununo nakuhangura vyakuyuvha navyapangayarero;
4. kudimburura vitantwavando namaukaro ghamutjangi ndi mughambi nakunegheda uvhuli wakuvhura kumemuna mo vitantwa munkango, muukahentanto namungambofano;
5. kunegheda kadidi uyivi wamutambitiri nalikwatoghano lyandughanito yaliraka;
6. kutjanga mulighungo matetoghano ogho va tunga munarua, kurughanita ndikontanto pakunegheda nongo mulishantjo, viyivitovaruro nanavintje ovyo vya hamo kuntjongaraka nantjangitito;

7. kulimburura hana matjokangedo mulitedo kuvitjangwa vyapangambo navyapatjangwa nakaukeni mo, parwendi ntani hana ntjinyaghoma;
8. kenegheda lilimbururo djuni lyapamwene mulikugwanekero lyakuhamena kuvitjangwa namapukururo ogho a pongaika mundupwitiro yavyapampo;
9. kunegheda manongontjo ghamadjuni ko hasha ghakuhamena kulikonakono pakudimburura shiparatjangwa shalikonakono, kutulita po shitambo shalikonakono, kutovorora po ndjenditito dalikonakono, kupongaika, kuhangura, kukukwetja nakutapa uyivi wakuhamena kumapukururo.

Mushongwa wakuwana **Ntambotunwamo ya E** ngava mu tateranga mu:

1. kukwata lighano maushiri nangano damadu-madu nakutapa uyivi mulikuwokumwe lya hasha ko mukughamba namukutjanga;
2. kuwaneka vininke muvitjangwa vyapangambo navyapatjangwa nakukumburura ko, kadidi mulihamoko;
3. kushingonona uyivikare nawa nakurupwita pankedi yalikwatoghano vyakuyuvha navyapangayarero;
4. kudimburura vitantwawandomoneko namaukaromoneko ghamutjangi ndi mughambi nauvhuli waugcoro wakumemuna mo vininke;
5. kunegheda uyivi ogho wa tanto ashi liraka kwa li rughanitanga munkedi dakukushuva-shuva ntani namumaukero ghakukushuva-shuva;
6. kutjanga mulighungo muntanto damadu-madu – ukashu mulishantjo namuviyivitaruro ntani namulitotopo lyandikontanto dadidito kumoneka mo, ene ngoli nakudjonaghura shi makugwanekero;
7. kulimburura kuvitjangwa vyapangambo navyapatjangwa nakaukeni mo ka hasha-hasha ntani hana ntjinyaghoma, parwendi ntani hana ntjinyaghoma – hana kuya po namatateko;
8. kenegheda lilimbururo lyapamwene mulikugwanekero lyakuhamena kuvitjangwa namapukururo ogho a pongaika mundupwitiro davyapampo;
9. kunegheda manongontjo gha hasha ko kadidi ghakuhamena kulikonakono ngoli pamwe kukara namaudito ghakudimburura shiparatjangwa shalikonakono, kutulita po shitambo shalikonakono, kutovorora ndjenditito dalikonakono, kupongaika, kuhangura, kukukwetja nakutapa uyivi wakuhamena kumapukururo.

Mushongwa wakuwana **Ntambotunwamo ya G** ngava mu tateranga mu:

1. kukwata lighano maushiri nangano damadu-madu nakutapa uyivi pankedi yalikwatoghano lyakuvhika mukughamba namukutjanga;
2. kuwaneka vininke muvitjangwa vyapangambo navyapatjangwa nakukumburura ko pashindanda;
3. kushingonona uyivikare nawa nakurupwita pantambo yamadu-madu vyakuyuvha navyapangayarero;
4. kudimburura vitantwa vyakumomekerera ntani namaukaromoneko ghamutjangi ndi mughambi;
5. kunegheda uyivi ogho wa tanto ashi liraka kwa li rughanitanga munkedi dakukushuva-shuva ntani namumaukaro ghakukushuva-shuva;
6. kutjanga ko mulinyandero muntanto damadu-madu – ukashu mulishantjo namuviyivitaruro ntani namulitotopo lyandikontanto dadidito kumonekerera, ene ngoli nakudjonaghura shi likugwanekero;
7. kulimburura kuvitjangwa vyapangambo navyapatjangwa nakaukeni mo ka hasha-hasha hana ntjinyaghoma – ngoli parumwe kwa hepa matjokangedo;

8. kunegheda vyakuhamena kulilimburo lyapamwene lyamadu-madu mulikugwanekero lyakuhamena kuvijitangwa nakumapukururo oghe a pongaika mundupwitiro davyapampo;
9. kunegheda manongontjo ghamagcoro ghakuhamena kulikonakono ngoli pamwe kukara ngudu namaudito ghakudimbura shiparatjangwa-djuni shalikonakono, kutulita po shitambo shalikonakono, kutovorora ndjenditito dalikonakono, kupongaika, kuhangura, kukukwetja nakutapa uyivi wakuhamena kumapukururo.

SHIWEDERERA A: SHIKOLIKITO SHANAVANTJE —LIKAMO (LIPUROPEPA 1)

Shikolikito shino kwa hepa ntani kushirughanita mukukoreka lipuropepa 2(b) lyavitwa 5.

Dimutinga	Mashingonono/Vinakugwanita	Vitwa
1	Likamo kwa dememena pashitjangwa nakulimbura kwavyo lina kupura lipuro. Malimburo naghantje oghe va ghupa mushivarurwa kwa gha rughanita nkango dadisheshu mukurerupitira mukanditate omo a ka rughanita munkango damwene momo vya wapa kurughanita nkangonungo mukutjanga ntando dadire.	5
2	Likamo kwa dememena pashitambo mpiri ndi ngoli lina kara ashi kapi lina vyukiliri. Malimburo naghantje oghe va ghupa mushivarurwa gha kena, ghafupipa nakugharughanita shingi po kumaghamo mukanditate omo a ka rughanita nkango danaumwendi muuhunga kuna kara mo maungambi ghantanto dadire nankangonungo.	4
3	Mpo gha li mo maungambi mulikamo oghe ana demeneno mo nampiri ngoli muna piri ukenu. Lirughanito nkango danaumwendi mo. Pamaruvede ghamwe kukorera pakutwenyaura tupu. Mpo vi li mo vidamudamu vyankango ndi ntando damu shitjangwa namaghamo kuna shetekere ko kughatura mumpoma.	3
4	Maungambi kumonayika mo napa-napa ghakuhamena kulikamo nampiri ngoli vina kunegheda maghamo ghakupira mulyo, oghe gha diro kuhama ko ndi gha piro kuwapa namafwatururo ghamare. Kuwana mo nka vidamudamu vyankango ntando damushitjangwa.	2
5	Likamo nalintje kapi lina vyukiliri mundere mo shitambo. Lidamaghuro lyankango ndipo ntando mushivarurwa.	1
6	Mundere mo lidemeneno lyashirughana. Udito unene kuwana ukalimo walikamo. Mukanditate kuna tapa shivarura nashintje pamwene. Mundere mo maungambi ghamushivarurwa.	0

SHIWEDERERA B: SHIKOLIKITO SHANAVANTJE – SHIRUGHANA SHALITJANGOVYULIKIRO (LIPUROPEPA 1)**Kuvarura**

Shikolikito shino ngava shirughanita va koreke ruha rwakuvarura rwalipuro 3 lyavitwa 15.

Dimutinga	Mashingonono/Vitikitamo	Vitwa
1	Kulimburura kunegheda mbudi yamushivarurwa, maghano ghamushivarurwa kukena ntani kughahamitira nawa mumalimburo. Mbudi damulyo odo vana tovorora nawa kudirughanita mukukawapera vitambo vyangandi.	13 – 15
2	Vitjangwa kunegheda likwatoghanu lyashivarurwa. Maghano ghamushitjangwa vana gha kenita nawa ngoli kapi vana gha tjanga momo vyawapera. Mpo gha li mo malimburo ghamulyo ghana kukwatito ko.	10 – 12
3	Kunegheda ashi shivarurwa vana shi varura nawa-nawa. Maghano vana gha rughanita muvitjangwa ngoli kapi vana gha tamununa nawa-nawa. Nopano nopanya vana rughanita maghano ghamushitjangwa va popere vitjangwa.	7 – 9
4	Shivarurwa vana shi varura pantambo yangandi kunegheda, kudemenena pamaghamo ghamushitjangwa nampiri ngoli mashesu mo mukulimburo mapuro yira momo ghana kara mushivarurwa.	4 – 6
5	Shivarurwa kava shivarura nakushiyuvha kadidi. Maghano ghamushivarurwa kapi vana gha tamununa nakugha tura mulighano. Kupopera kadidi malimburo ghamapuro, kutjangurura unene vyamushivarurwa.	1 – 3
6	Malimburo kapi ghana kunegheda likukwatakano lyashivarurwa namapuro. Kutjangurura vyamushivarurwa vya hana kutanta vintu.	0

Kutjanga

Shikolikito shino shina kukwamo ko kushirughanita muku koreka ruha rwakutjanga lipuro 3 vitwa 5.

Dimutinga	Mashingonono/Vitikitamo	Vitwa
1	Lirughanito liraka lyakutikilira mo nakutunga maghano. Maghano gha hama, gha tikilira mo nakutumangeda mumalimburo naghantje. Rupe rwakutikilira mo nawa-nawa. Umbangi namaghano mumuyaro wakutikilira mo nawa-nawa.	5
2	Ushwinkango nantanto dakukushuva-shuva, lirughanito liraka muuhunga nashitambo. Hambara rupe rwavyukilira, kupompeka nakutapa umbangi namaghano, namuyaro wakutikilira mo.	4
3	Ntando daushwinkango naliraka vyakutikilira mo. Rupetjango mo kadidi ngoli mwamadu-madu. Mapuko mpo gha li mo ghamuyaro.	3
4	Lirughanito lyaushwinkango naliraka muuhunga. Rupe rwandughanito mapuko mo ghamuyaro nalidamauro tupu ntando mushivarurwa.	2
5	Rupe kapi runa tikiliri mo mushirughana ntani nka kapi vina kene. Ntando disheshu. Liraka kapi lya hama kushitambo shene-shene. Mapuko kwayura murupetjango ntani kapishi mo vya wapera.	1
6	Malimburo ghakudira kuyuvhika.	0

SHIWEDERERA C: SHIKOLIKITO SHAVIRUGHANA VYALITJANGOYENDERERO (LIPUROPEPA 2)

Liraka naRupe

Mutinga	Lishingonono/vinakugwanita	Vitwa	
1	Ntundiliro; kughayadara; kudjira mo; kwa nwa ushwinkango; ndika yakuyeruka; kwa conda litetoghano; linwiko djuni; mwato mapuko ghamangi ngudu.	17 – 20	
2	Liraka djuni; kwato ntjinyaghoma mukurughanita vishewe/vitegho; litetoghano djuni; kudjira mo; ushwinkango wapakulito; mapuko ghamasheshu tupu.	13 -16	
3	Nashitambo mo; shighamba shakukwama nawa; ushwinkango djuni; kushetekara ko kulitetaghano; mapuko kuna kumonaika mo ene ngoli manongontjo ghamagcoro shimpe kuna kumonaika mo.	9 – 12	
4	Nakuvhura shi kurupwita vighayadara; ushwinkango wakugwanena; litetoghano lyamadu-madu; mapuko mangi mo.	5 – 8	
5	Kuvhura kuviyuvha, ene ngoli pamwe naudito; ntanto damadu-madu ndo da yuro mo; kuna kumonaika mo mapuko ghamangi ngudu.	1 – 4	

Ukalimo naNdiko

Mutinga	Lishingonono/vinakugwanita	Vitwa
1	Kuhafita; ntundiliro; shiparatjangwa shene-shene; liyendokuuto kumonekerera; kukenitilira; ndika yamumpompa; likwatoghano djuni lyashiparatjangwa; muufupi namunaure wakuwapera.	17-20
2	Likwatoghano mo lya hasha ko lyashiparatjangwa; kumoneka mo ntjimentjima yashiparatjangwa; maghano kwa gha tovorora nakughapakera shinka; rupe/ndika kwa yi wapaika nawa; muufupi namunaure wakuwapera.	13-16
3	Virughana djuni, kunegheda likwatoghano djuni pantambo yashiparatjangwa navakalimo; kukuyenda nawa mumpompa.	9-12
4	Kukuyenda nawa kunavintje, nakuwana mo nka litamununo lyakuvhura kuvatera; napano-napanya nakukena shi nawa; nashishwi mo kadidi;	5-8
5	Ukalimo namaghano ghamadu-madu; likukwamo lyakudira kuyivilita; kuvhura kukara mwato shishwi ndipo mwato likulito; kwanengukira walye kulivyukuruka-vyukuruko.	1-4

SHIWEDERERA D: KUKOREKA LITEDOLIMBURURO KUSHITJANGWA (Lipuropepa 3)

SM4 VITJANGWA Litedolimbururo kushitjangwa <i>Vashongwa kuvhura ngoli:</i> S1 kukumburura ko kushitambo vitantwa vyapantunda-ntunda ntani nantjimentjima yaukalimo washitjangwa; S2 kunegheda rupandu ashi weni likuyuvho, maukaro ndi po nkani omo va di tapanga nawa; S3 kukugwanekera mulilimburo patedo, uhe ntani napadjuni pamundinda.		
Mutinga	Vitwa	Lishingonono/Vitikitamo
1	17 – 20	Maghano, viparatjangwa, vighayadara vyamutjangi, maukaro, liraka, navimw. kuvikengurura; kukonakona mwamunene mulitedodirohamenimo shitjangwa; Kutovorora naundondoro mwakuwaperi maungambi mulifwatururoshongaghuro lyambudi oyo va tapa.
2	13 – 16	Maghano, viparatjangwa, vighayadara vyamutjangi, maukaro, liraka navimw. ne kuvihangura; kutapa makonakono djuni oghe va kulita nawa-nawa mulitedo ghakuhamena kushitjangwa; maungambi ghakuwaperi oghe va tovorora nawa mulitamununo ghakukwatita ko nguli.
3	9 – 12	Maghano, viparatjangwa, vighayadara vyamutjangi, maukaro, liraka navimw. ne kughashingononona; kutapa makonakono djuni ghakuhamena kushitjangwa; maungambi ghakuwaperi naghakuhamena ko oghe va tovorora nawa ghakwatita ko nguli.
4	5 – 8	Maghano, viparatjangwa, vighayadara vyamutjangi, maukaro, liraka navimw. kutwenya ko nkango mbiri ndi ntatu; kutapa maghano ghakuvyukilira ghakuhamena kushitjangwa omo muna karo makonakono ghamagcoro; litovoro muuhunga maumbangi, oghe gha karo ashi kapi va gha kulita nawa.
5	1 – 4	Maghano, viparatjangwa, vighayadara vyamutjangi, maukaro, liraka navimw. ne kughatjangurura; nguli damushitjangwa disheshu; usheshu walirughanito maumbangi.
6	0	Kwato kutapa ko shitwa kwavino mpiri kadidi.

**SHIWEDERERA E: MANANGWIRO GHAVYAMARUHA GHAVIRUGHANA
VYAPASHURE (LIPUROPEPA 4 NA 5)**

MPO NANKARAPAMWE: SHIRUGHANATUMWA SHAPATJANGWA

LIWPAIKO LYAPAMBEREWA

Liwapaiko

Shirughanatumwa (Mulyowaneko wakurughanena pashure) kwa hepa kushimanita mushivaka shauviri.

Likonakono

Vakandidate ngava tovoronga, vikwampo shih. yir. shininke, rushumo, ndanisa, shikwatelimo, lipongo livantu palivango limwe, mbungapongero, uyivi wakare nambarekero navimw. mulirughaneno kumwe namushongi. Mukandidate nga pongika ngoli mapukururo ghakuhamena kushininke shampo kukwama mapuro ndi vitambo ovyo va tura po. Mukandidate nga hangura ngoli mapukururo ghanya nakutjanga ntjamnwatimwitira (ndi vitundwamo) mwara nkango 700-1 000 kughupa ko dokumente daumbangi yira mafano litontonono lyamapuraghero, maumbangi navimwe weyo. Kenga shihonena shashirughanatumwa osho kuntji.

LIGHANO LYASHIRUGHANATUMWA			
Lidina lyasenta:		Nomora yasenta:	
Lidina lyamukandidate:		Lidina lyamukandidate (<i>ntjene mpo li li</i>):	
Lidina lyandjetitoshongo:		Nomora yaNdjenditioshongo:	
Lidina lyaruha:		Nomora yaruha:	
Makonakono:	Shikukutu/Mangundu 20.....		
Lidina lyashiparatjangwakonakono:			
Vitambo-kamankandongo:			
Ndjenditito yakupongaikita nakuhangulita mapukururo:			

LIGHANO LYASHIRUGHANATUMWA
Muyaro wamarunone (<i>kuvhura vi kare lidingauromavango, kukara pavishoroka mapuraghero, navimw.</i>):
.....
.....
.....
.....
.....
.....
Lisaino lyamukandidate: Datumu:
Lisaino lyamushongi: Datumu:

Vitjanga vyapawiru-wiru yambapira

Shirughanatumwa (shirughana shamulyowaneko wapashure) kwa hepa kukara nalidina lyamukandidate, datumu yakumana kusaina lighano, datumu yakumanita shirughanatapo, lidina, mughano wamushongi ashi shirughana shino shiri shamwene mukandidate ntani nankumbu yayifupi oyo yi neghedo ushiri wene-wene walitaposhitwa. Mulyo unene ngudu ashi nkumbu yamushongi yi demenene pavinakugwanita vyamulyowaneko kwavyakuhamena kumutinga washitwa osho va tapa.

Lidina lyamukandidate: Nomora yamukandidate:

Datumu yakumana kusaina:	
Datumu yakutapa mo mapongaiko:	
Lidina/shininke shampo:	

**VITWA
VYAKU
HULILIRA**

Nkumbu yamushongi:	
---------------------------	--

Mughano wamushongi: pano kuna kughana nakughana ashi likonakono lyavyampo kwalitovorora mukandidate mwene pakumpura ko, ntani nka ame kwa mu vatelire mukandidate ghuno dogoro mpopo na ka manine kusaina nakutapa ko Lighano lyaShirughanatumwa panaumwande. Pakumana kusaina nakutapa ko lighano, kwato nka mbatero mpiri yayididi oyo na tapa ko, ntani dokumente yakuhulilira (omo lya kara Lighano Shirughanatumwa, yakupwa kusaina nadatumu po) yayo, kutwara muuyivi wande wene-wene, kuna kara shirughana mudima shamukandidate mwene.

Lidina lyamushongi:

Lisaino lyamushongi: Datumu:

Likengururokonakono lyapandje

Mukandidate nga rughana shidamudamu shantjangwatimwitira (ndi vitundwamo) vyakuhulilira nakutapa shene-shene kwamushongi ashi koreke kukwama shineghedonkedikonakono shakuwapera. Ntjangwatimwitira (ndi vitundwamo) dakupwa kukoreka ngava di tumanga ku DNEA kulingururokonakono lyapandje. Vakengururikonakono vapandje ngava tapa shitumwahunena shantjangwatimwitira (ndi vitundwamo) ovyo ngava ka kengurura mulikonakono pakehe senta ntani nakukonakona mulikengururo ntjangwatimwitira (ndi vitundwamo) nakushuva vitwa momo vina kara ndi kuvitjindja nange hepero. Mulyo ngudu kusenta mukunomena ashi shirughanatumwa (mulyowaneko wapashure) ngashi kwama likonakono lyakughamba nakutegherera ntani nalilimburotedo kuvitjangwa.

Ndjenditito dashitumwahunena

Vakengururikonakono vapandje ngava tapa shitumwahunena shakuyimanena po lintuku lyavakandidate pakehe senta. Vininke yira vikwampo ovyo va konakona navyo ngava vi tura mulighano pakutura po shihonenatumwa.

MULYOWANEKO**Vinamulyo**

Ndjenditito yamulyowaneko ne yahungama. Vakonakoni vana hepa ntani kurughanita dimutinga davitwa mudima. Mposhi, mushongwa kapishi nkwandi nga kare kwato kapuko mpiri kangandi mukukawapera kukawana vitwa ovyo vya kahuro ko mumutinga wangandi; vakonakoni vana hepa kutapa vitwa vyakuwapera kukwama kuvitompowa vyamukandidate. Mfuto yapakatji kavitompowa vyakuyeruka navyapamuvhu kuhamena kuvininke vyakukushuva-shuva vyavinakugwanita vyamulyowaneko ne vya pulitirwa. Kupitira mulikengerokonakono lyapandje, liwapukururo kushivaro shavitwa vyakehe senta kuvhura kukalirughana kutwara mumulyowaneko wavakandidate mu-ukenyi ndi -ufenkenda kuruha rwavakonakoni.

Vinakugwanita vyamulyowaneko

Shineghedonkedikonakono shino shina kukwamo ko ntjo shakurughanita:

Muyaro A: Shirughanatumwa (Mulyowaneko wakurughanena paShure) – Shineghedonkedikonakono vitwa 20 (Lipuropepa 4)

VM5 NGAMBODAMI YAPANGAMBO

Mpo naNkarapamwe: Shirughantumwa shapaTjangwa

Vashongwa kuvhura ngoli:

- S1 kurughana likonakono, kupongaika, kuhangura, kukengurura nakutapa mapukururo ghakutunda marunone ghalirupwitiro vyapampo;
 S2 kutura nawa malimburodjuni ghakuhamena ko kumarupe ghakukushuva-shuva ghalirupwitiro vyapampo *patjangwa*;
 S3 kukulita malimburo ghamamundinda ghakuhamena kumapukururo oghe va pongaika ghakutundilira mulirupwitiro vyapampo.

Mutinga	Vitwa	Lishingtono/vinakugwanita
1	17 – 20	Kudemenena nawa-nawa pashitambo shalikonakono namapuro (vitambo); kurughanita nanongo mapukururo oghe va pongaika; kukuhamitira kumapukururo oghe va pongaika mukunkondopeka maghano namashingonono oghe va tapa; vitundwamo kukuyenda ntani malimburo ghamamundinda oghe va tura nawa muvighamba djuni kutundilira mumapukuro.
2	13 – 16	Kudemenena nawa; shitambo shalikonakono namapuro (vitambo) vyakena; kwa pongaika mapukururo djuni oko vana kunengukiranga mulikukwetjo; maghano namashingonono kughakengurura; vitundwamo kunegheda likuyendokumwe ntani kumoneka mo nka lishetekero lyakushetakanita malimburo ghamamundinda kumapukururo.
3	9 – 12	Mpo li li mo lidemeneno pashitambo namapuro (vitambo) nampiri momo pamwe mwato ukenu; mapukururo va gha pongaika ngoli kapi ghakukwatakana kehe pano nashitambo namapuro (vitambo); napa nopanya maghano namashingonono oghe va tapa kughakengura mwamunene momo vya wapera; muvitundwamo likuwokumwe kuvhura li pire mo ngoli malimburo ghamamundinda pamwe-pamwe kukuhama.
4	5 – 8	Kudemenena kadidi tupu pashitambo namapuro (vitambo); mapukururo oghe va pongaika magcoro ngudu mukuvhura kukuwa namaghano ntani namashingonono momo vya wapera; maghano namashingonono kapi va gha kengura momo vya wapera pamwe mukonda yamapukururo ghamagcoro; muvitundwamo mwato likuwokumwe mwamunene ngudu ntani nka malimburo ghamamundinda ghamwe kapi ghana kutapuka kumapukururo oghe va pongaika.
5	1 – 4	Mwene-mwene mwato lidemeneno pashitambo namapuro (vitambo); mapukururo oghe va pongaika nakukuwa shi mwamunene nashitambo namapuro (vitambo); vitundwamo mwamunene kukara shitimwitira ndipo lishingtono namapukururo va pongaika kapi va gha kengurura; vitundwamo vyakupinyapinya ntani malimburo ghamamundinda ghamangi nakukuwa shi namapukururo oghe va pongaika.
6	0	Kuviporoporo vino nakuwana shi shitwa mpiri kadidi.

MAKONAKONOGHONA GHAKUTEGHERERA NAKUGHAMBA

LIWPAIKO LYAPAMBEREGHO

Lipompekovede

Likonakono lyakutegherera nakughamba lina hepa kushoroka kuno mwedi ghumwe ghuna hupo ko kuuto wakutameka makonakono ghene-ghene. Vino kuviruganana mukutapa ruvede rwarungi rwakutuma vininke navintje vino kulikengerokonakono lyapandje. Senta ngadi tokora dene ruvede rwarurwa nalivango/mavango oko ngali ka karera likonakono.

Vikonakonito

Kwato lipuropepa lyakuruganana kulikonakono lino. Vinakugwanita vyamulyowaneko ntani na *Oral Assessment Summary Form (OASF)* kwa hepa ntani kukara pasenta nadintje. Nkwandi CD navikereketjekwatitoywi vyantantani/vyavipe mbyo vyakuvhura kuruganana. Vikereketjekwatitoywi vyamwaka daShikuma naShikature ne va vi shweneka.

Vakonakoni

Vashongi vavishongwa pamasenta mbo ngavi tumbukira kehe pano vyakurughana likonakono lino. Ene ngoli senta vya di gharukira mukunegha vakonakoni ovo va diro kuhamana pamasenta ntjene vavo vatikita mo nawa-nawa makushongo ghavo ntani va kara nauyivikare wakurughana likonakono lino. Ntjene hepero senta kuna kudipampirikida mukuruganana mukonakoni ghumwe tupu mbyovyoshi pakurughana weyo ngavi rerupa mukuwaneka ntambo dakukufana.

Likwatoywi lyavakandidate

Vakonakoni ngava kwata maywi vakandidate mudima va **Lipongonyono A na B**. Mavango ghakuyoghotera ndi kughayakunuka ndi vitjopotera vyakuntere kuvitundita mo muvikwatoywi. Mulyo ngudu mukuhoverera kurughana likonakono lyavikeretje pantjavyo.

Shihonena ashi weni mukutangauka mukonakoni vyalikwatoywi:

Lidinina lyaSenta	:	Rundu Secondary School
Nomora yaSenta	:	NAO41
Makonakono	:	NSSCO Liraka lyaKutanga ... Njenditoshongo: Ruha: 04 – Likonakono lyaKughamba naKutegherera
Mukonakoni	:	Mk Maurus Kavera
Datumu	:	4 Shitarara 2020

Kehe mukandidate makura kumutangaukanga ngoli mukonakoni yira weno:

Nomora yamukandidate:	0889
Lidinina yamukandidat:	Vitus Muhera

Kuuhura walikwatoywi mukonakoni kughamba ashi: MASHAGHERO GHALIKWATOYWI.

Ndjenditito dashitumwahunena

Mulyo ngudu ashi shitumwahunena shina hepa kuyimanana po vitwa ovyo vina kwatero mo vitwa ovyo va tapa pasenta yangandi. Mposhi, shitumwahunena shina hepa kunegheda ntani vyauvhuli wavakandidate vakukushuva-shuva. Senta dadididi dakukara navakandidate vavasheshu vakupira kupitakana pavakandidate 10, kwa hepa kuvatura mushitumwahunena shavakandidate mudima, kutanta ashi lintuku lyapo likutikakane nashitumwahunena. Shitumwahunena shapasenta davakandidate 10 ndi vavayingi weyo kwa hepa kutuma vakandidate 10 ashi ntjo shitumwahunena shashisheshu. Shitumwahunena shino sharuhulilira kwa hepa kushighupa mushivaro shavitwa nakuvikutulira pa CD yakukukarera. Senta dina hepa nka kukara navikwatoywi vyakuhupa po vyakuhamana kuvikeretjekwatoywi navintje ovyo va kwata ndipo vitwa vyamwaka dakutika kuntatu.

MULYOWANEKO

Vinamulyo

Ndjenditito yamulyowaneke ne yahungama. Vakonakoni nakuvhura shi kurughanita dimutinga davitwa mudima. Mposhi, mushongwa nkwandi nga karange kwato kapuko mpiri kangandi mukukawapera kukawana vitwa ovyo vya kahuro ko mumutinga wangandi; vakonakoni vana hepa kutapa vitwa vyakuwapera kukwama vitomporwa vyamukandidate. Mfuto yapakatji kavitomporwa vyakuyeruka navyapamuvhu kuhamena vininke vyakukushuva-shuva vyavinakugwanita vyamulyowaneke vya pulitirwa. Vyamulyo po ngudu kuvakonakoni ne LIHUGUVARO. Kupitira mulikengerokonakono lyapandje, liwapukururo kushivaro shavitwa vyakehe senta kuvhura kukalirughana kutwara mumulyowaneke vakandidate, ukenya ndi ufenkenda kuruha rwavakonakoni.

Vinakugwanita vyamulyowaneke

Vineghedonkedikonakono vino vina kukwamo ko mbyo ngava rughanitanga:

Muyaro B: Lipongonyono A Litapo-uyivi vitwa10 (Lipuropepa 5)

Mutinga	Vitwa	Lishingonono
1	9 – 10	Kutpa uyivi mwakuyulilira; kutapa mapukururo ghakukushuva-shuva ghamangi namaghayadaro. Kunegheda ntambo djuni yanongo namapuko ghamasheshu; kughamba hana ntjinyaghoma nalidefuno lyapashongaghuro nalilindaghuroywi; kurughanita liraka lyalidito nalyakutamunuka yira vitegho navishewe; kurughanita ushwinkango wakukushuva-shuva nandiko peke mwakuyulilira.
2	7 – 8	Kutapa uyivi mwakuyulilira; kutapa mapukururo ghamangi navighayadara. Kunegheda ntambo yayiwa yanongo nampiri momo ashi mapuko mpo gha li mo muntanto dadidito unene ngudu; Kurughanita lidefuno nalilindaghuroywi omo mwa karo nongo; pamweya kushetaika ntanto dadidito unene ngudu; kurughanita ushwinkango wakukushuva-shuva nandiko peke mwakuyulilira.
3	5 – 6	Kutapa ntjimatjima yauyivi nampiri momo uye kwa hepa napa nopanya lipuraghero. Kutapa mbudi dakuvyukilira nampiri momo ashi namapuko mo ghamadidi; kurughanita lidefuno lyanongo yayinene kupitakana lipironongo; kurughanita liraka lyakuwapera ngoli lyamadu-madu lyakukushuva-shuva; kurughanita liraka lyakupira udito nandiko damadu-madu.
4	3 – 4	Kutapa mapukururo namaghano ngoli kudemenena unene ngudu pamapuraghero mukutapa uyivi. Kurughana kehe pano mapuko; kushetekera ko kundefuna nkango nanongo; kupinganitira mo nkango namaukahentanto; kurughanita ushwinkango waugcoro nalivyukurukonkango namaukahentanto.
5	1 – 2	Kutapa mapukururo ghamagcoro ghakupira kuwapera kushiparatjangwa. Kughamba namapironongo ghamayingi; kughamba nalidefuno lyakuyuvhika; kurughanita ushwinkango waugcoro ngudu, shinene po nkango namaukahentanto ghakundjenderera.
6	0	Nakuvhura shi kutapa mapukururo nampiri ghamagcoro ndi ghakupira kuwapera mulikugwanekeero. Kwato umbangi wakukara nauyivi ndi ukonentu waliraka.

Muyaro C: Lipongonyono B Likukwetjo Vitwa 20 (Lipuropepa 5)

Mutinga	Vitwa	Lishingonono
1	17 – 20	Kurughanena kumwe paumwavo mushitimwitira; kutameka nakutwara kuuto shitimwitira; kutamununa shiparatjangwa nakushana-shana malimburo kwamuteghereli; uye kutamununa nawa momo vya wopera shirughanatumwa she muntjimantjima navininke vyakukukwatakana; nakuhuguvara shi kumapuro namakuturomo ghamuteghereli; kurughanita maghanoraka ghakukushuva-shuva shih. yir. lilindaghuoywi, mutevu, lidemeneno, navimw. nanongo ntani nka mushivuya; kulimbura muukenu ntani hana ntjinyaghoma kumapuro, ntani mulitamununo; kughayadara maghanopeke; kupopera nakukulita maghano.
2	13 – 16	Kurughanena kumwe muruvade rwashitimwitira; mpo ghu li mo umbangi walivhuro kutwara shitimwitira kuuto ntani nka pamwe kushitamaka; kulimbura shingi shamapuro nakutjokatjoka pankedi yakukena nayakupira matamayi; kushetekera ko munaruwa mukutamununa shirughanatumwa she muntjimantjima navininke vyakukukwatakana; kushetekera ko mukudira kuhuguvara kumapuro namakuturomo ghamuteghereli; kurughanita maghanoraka ghakukushuva-shuva shih. yir. lilindaghuoywi, mutevu, lidemeneno, navimw. mushivuya; kulimbura momo vya wopera ntani mulitamununo kumapuro; pamwe-pamwe kughayadara maghanopeke; kupopera maghano.
3	9 – 12	Kuvhura kuhepa matjokatjoko mukutwara kuuto shitimwitira; kushingena shiparatjangwa momo vya wopera; kulimbura shingi shamalimburo nakutjokatjoka munaruwa; pamweya kuhuguvara kumapuro namakuturomo ghamuteghereli; kushetekera ko munaruwa mukutamununa shirughanatumwa she muntjimantjima navininke; kurughanita maghanoraka ghakukushuva-shuva shih. yir. lilindaghuoywi, mutevu, lidemeneno, navimw. mulipopera ntani momo vya wopera; kurupwita maghano; kupopera pamwe maghano.
4	5 – 8	Kutjira pamweya ghoma ntani nalidefunoraka lyamadu-madu; mpo gha li mo maghano ghangandi ghakuhamena kushiparatjangwa; kulimbura mapuro namatjokatjoko ghamasheshu; kuhuguvara pamapuro ghamuteghereli namakuturomo; kwa hepa kadidi matjokatjoko mukutamununa shirughanatumwa she muntjimantjima navininke vyakukukwatakana; kurughanita muugcoro maghanoraka shih. yir. lilindaghuoywi, mutevu, lidemeneno, navimw.; kuvhura kutapa vitantwa vyangandi tupa.
5	1 – 4	Kutjira ngudu ghoma nakundjendjerera; kulimbura paufupi ngudu ngoli hana ukenu ndi makuwo; nakulimbura shi mapuro ndi matjokatjoko; kwa huguvara ngudu pamapuro ghamuteghereli namakuturomo; nakupitakana shi mpiri kadidi pashirughanatumwa she shapatjangwa; nakuvhura shi kurughanita maghanoraka shih. yir. lilindaghuoywi, mutevu, lidemeneno, navimw.;
6	0	Mwato muno vyakuwanena vitwa.

Lituro likonakono pantambo yakukufana kuvakandidate mudima

Vitompowa vyavakandidate kukwama kehe pano ndughanikonakono ntani nankedipulito yamukonakoni. Mposhi vakonakoni vana kona kunomena ashi vakandidate (ovo va karo navakonakoni kumwe namaraka ghakushuva-shuva) ndi kuvapura ntani mapuro ghapantambo yaudito wakukufana.

Kutegherera mulikukwetjo

Nampiri momo ashi lidemeneno kwa kara pakukonakona manongontjo ghakughamba, vakandidate vana hepa nka kunegheda manongontjo ghavo ghakutegherera. Kutegherera kwa kara manongontjo ghamadito ngudu mposhi ghagho nkwardi kughawaneka mulyo kupitira mumanongo ghakughamba ndi kutjanga. Apano weno kuna kukaghawaneka mulyo kupitira mukughamba. Kuturwa muvinakugwanitamulyowaneko vakandidate vana hepa ntani:

- kulimburura vyakukena nawa nalipirontjinyaghoma kumapuro mulitamununo
- kukara ko namaghano peke
- kudimburura vitantwa-vando namaukaro

Navintje vino kuvhura kuvirughana ntjene vakandidate vavo kutegherera. Mposhi, mukonakoni ana hepa kupura mapuro kupitira mulikukwetjo mukuwaneka mulyo wamanongontjo ghakutegherera. Apano weno kuna kuvipameka shankondonkondo ashi mukonakoni, pakupura mapuro ghe, ana hepa kutota po ukaro oghe ngau ka renkitango mukandidate a “dimburure vitantwa-vando namaukaro” hana kushwaukita ndi kutura pashandja mukandidate.

Kuna kuvighayarera ashi shitimwitira shino ngashi karanga litamununo lyalitapo-uyivi kapishi livhuruko lyavyo a tapa kare mukandite kuuto walikonakono lino.

LIKENGURUROKONAKONO

Shitambo shalikengururokonakono

Shitambo shalikengururokonakono ne mukurenkera ashi senta nadintje kuna kurughana likonakono kutwara muvihepwa ntani nka ashi mulyowaneko wapo kunaghutura pantambo yakukufana nayaushiri wene-wene.

Lidemeneno lyalikengururokonakono

Likengururokonakono lyalyo kudemenena pavitwa ovyo va tapa musenta yangandi kapishi pamushongi pamundinda we oghe a rugnano likonakono. Mpo ngoli ashi, mulyo unene ashi likengururokonakono lyamunda lina hepa ntani kushorokera pasenta opo va rugnanena makonakono vashongi vakupitakana paumwe.

Likengururokonakono lyamunda

Ntjene likonakono kuna kulirughana vashongi (ndi vakonakoni) vakupitakana paumwe pasenta yimwe, mulyo ngudu ashi vitwa navintje va vi ture pantambo yakukufana pakurughanita likengururokonakono lyamunda. Vino kuvhura kuvirughana Mukurona waRuha oghe vya tumbukira vyaMaraka pashure yangandi ndi senta ndi mushongi oghe va tumba mukutwara mumutombo wavirughana vye mukurughana likengero lyamunda lyaLikonakono lyaKughamba naKutegherera. Mukengelikonakoni wamunda uye kuvhura kuyerura ndi kughurumwita vitwa kutwara muufenkenda ndi nyanya yamushongi oghe a rugnano pamuntango likonakono linya. Ngoli ntjene avi mu monekere mukengelikonakoni wamunda ashi shingi shavininke vyakukoshera, mposhi kuna kumuditopera mukurughana shirughana she momo sha wopera uye kuvhura kupura mulyowanekururo.

Likengururokonakono lyapandje

Likengururokonakono lyapandje nga yi li rughananga *Directorate of National Examinations and Assessment (DNEA)*. Mapando gha CD maviri ngava gha tumanga ku DNEA: (i) Shivaro shavitwa nashiforoma osho shayivikwo ashi *Oral Assessment Summary Form (OASF)*. Vino kuvirughanena mukughupa po maranga ntjene pana ka ya hepero yakupura vihonena kuuto ko. (ii) Ano CD yakukukarera yavakandidate ovo ngava karango kare mushihonena yayo ngayi pwa kudidilika nawa-nawa ashi “*SAMPLE*”.

Nkumbu

Kutundita ko vitundwamo mwanavintje vyakuhamena kuLikonakono lyaKughamba naKutegherera, vitundwamo vyapamundinda ngava vi tumanga kumasenta muruku rwakurupuka vitundwamo. Vitundwamo vyapamundinda vyakutundilira kwamukengelikonakono wapandje ngavi demenena kumaruha ghalikonakono ghano ghana kukwamo ko: mulyo walikwatoywi, shihonena, mpulito, mulyowaneko kumwe nankumbu peke odo nga kenganga mukengelikonakoni wapandje ashi hepero mukudiweda ko.

Litapontambotundwamo kuvakonakoni

Mukengurulikonakoni wapandje nga waneka mulyo nakutapa ntambotundwamo kuvakonakoni navantje ovo va rughano makonakono. Vino mulyo ngudu mukukadimburura vakonakoni ovo va hepo mbatero namadeuro kuuto ko.



The National Institute for Educational Development

P/Bag 2034

Okahandja

NAMIBIA

Telephone: +264 62 509000

Facsimile: +264 62 509073

E-mail: info@nied.edu.na

Website: <http://www.nied.edu.na>